

明三十家詩選二集

明三十家詩選二集卷五上

錢塘 汪端允莊輯

邊貢 六十九首

貢字廷實歷城人弱冠舉宏治丙辰進士授太常博士擢兵科給事中孝宗崩疏劾中官張瑜太醫劉文泰高廷和用藥之謬又劾中官苗達保國公朱暉都御史史琳用兵之失出爲衛輝知府改荊州歷陝西

二云山西

河南提學副使嘉靖初召拜南京太常卿提督四

夷館擢南京戶部尚書廷實少有盛名諳吏事所交悉海內才俊久仕南都優閑無事游覽江山揮毫浮白夜以繼日汪鉉爲掌憲忌其名論去之家居耽翫

明三才言選二集卷五十一
典籍搜訪金石古文甚富一夕燬於火大慟曰嗟乎
甚於喪我也遂發病卒年五十七所著有華泉集四十
卷國初濟南王貽上選刻四卷

朱中立曰華泉詩雖不逮李何然平淡和粹孝廟以
前海岳之才無其倫比

何元朗曰華泉興象飄逸語亦清圓

陳臥子曰廷實麤率未除然時見精詣五言尤稱長
城聲價在昌穀之下君采之上

朱轅文曰尙書才情甚富故能於沉穩處見其流麗
朱錫鬯曰華泉長於絕句昔宋吳江令張達明嘗與
客論詩曰詩莫難於絕句尤莫難於五言欲其章短

而意長辭約而理盡華泉庶足當之

王貽上曰宏正四傑惟何氏之後最大李氏次之徐氏有子伯虬稱詩吳中名載岳岱今雨瑤華而華泉仲子習字仲學者食貧授徒以老有睡足軒詩一卷薄暑不成雨夕陽開晚晴野風欲落帽林雨忽沾衣其佳句也

沈確士曰華泉邊幅稍狹而風人遺韻故自不乏李何邊徐並名有以也

汪端論曰華泉古詩朴實有餘風華不足近體秀整婉約有盛唐遺韻足以肩隨仲默弟畜子循王弇州言嘗見空同與袁永之手書以內弟左國璣貳於已

明三才詩選卷五
極排詆之且云此人尙爾何況邊李邊卽指華泉是
華泉晚年亦與空同不協宜其詩絕無齊豫儉父習
氣而虞山乃擯之與王敬夫康德涵同列蘭艾不分
未免方隅之見矣

送王內史敬夫歸省

歸驂慕鄉土。欲止不可能。朝發華陰祠。日過灞陵風林。
散。輕雨山店明。春燈忽憶舊時路。別來如更增。蠅蛸綴簷
牙。遊子行到家。鄰里登牆頭。顧望紛且譁。堂前列車馬。堂
上生光華。何以爲親壽。宮衣明繡花。草堂近終南。采蘭日
往來。兄弟各相勉。行歌咏南陔。親心日以悅。親顏日以開。
閒時語家慶。笑指庭中槐。春潭水煙青。春岸杏花赤。宛轉

沙上經依依。記行跡。濯纓清淺流。還坐舊苔石。鷗鷺了不驚。遙應識歸客。春分酒初熟。香滿青門店。匹馬隨雙童。穿林復經塹。夜函清夢裏。花筆生彩焰。好是南山靈。相尋索詩欠。我思何所在。乃在樊川汭。斜月照虛梁。微風動芳芷。悠悠抱沉念。脈脈感前喜。尺練難重持。春冰限雙鯉。君陂水多魚。我湖山有鵲。一飛與一潛。各自相娛樂。同遊京輦下。十載鎮如昨。昨夜問君行。朝來宦情薄。君才比天馬。高躡不可蹈。我心實亡羊。多岐賴君導。關山一爲別。輪軫何時到。感激木瓜篇。瓊琚愧相報。枕書臥南窗。月黑燈不明。遙夜無近夢。深交有遐情。鳴琴寫幽懷。調苦絃亦清。曲罷不成寢。高林啼曙鶯。秣馬西送君。行行古城陰。長亭短亭。

路。千。里。萬。里。心。春。綠。變。山。草。連。連。岡。與。岑。歸。林。渺。煙。光。彷彿。聞。車。音。音節纏綿神理殊近樂府

分韻再送文熙

夜久河漢橫。春堂別燈黯。風淒鳥初動。露重花猶斂。明發不在茲。重關爲誰掩。

入錐石口

西登錐石口。鳥道不盈尺。連山樹如繡。雲中日將夕。不聞樵采音。但見虎行跡。

贈尙子

意氣憑凌一當百。關西儒生五陵客。少年學書復學劍。老大蹉跎雙鬢白。門下諸生半賜麻。閨中小婦猶炊麥。布衣

東來謁天子。春日醉臥長安陌。陌頭花絮夕紛紛。瓊閣如
天隔紫雲。浩歌翩然却歸去。眼底誰是平原君。

運夫謠送方文玉督運

運船戶。來何暮。江上旱風多。春濤不可渡。運船戶。來何暮。
裏河有閘外有灘。斷篙折纜腰環環。夜防蟲鼠日防漏。糧
冊分明算升斗。官家但恨倉廩貧。不知淮南人食人。官家
但知征戍苦。力盡誰憐。運船戶。運船戶。爾勿哀。司農使者
天邊來。善於用短

九日

白日寒城暮。清秋畫角哀。地偏妨采菊。鄉遠怕登臺。鴻雁
天邊去。風雲塞上來。故交零落盡。卮酒向誰開。

西陵訪王給事汝溫不遇

狂夫多野性。春到每思家。却訪山中客。還逢水際花。薄雲
陰古殿。鳴鳥聚連沙。迤邐回谿晚。西陵月正斜。

下陵

露行踰十里。夜黑四巖陰。不辨雲霞色。惟聞鐘磬音。塹鴉
翻列火山。鬼嘯空林。欲下西陵路。前溝水正深。
窈窕山逕僻。喧喧徒御歸。馬逢危石住。燈入古林稀。樹密
全妨蓋。雲寒半溼衣。紅門知不遠。秋角聽依微。

九月望日同大陽有臺二使君泛湖出郭

野眺鄰幽曠。移舟出水關。上卿雙蓋迥。漁父一簑閒。墜葉
紛飄座。迴汀曲抱山。芳尊對搖落。不醉可須還。

村舍

村舍孤煙起。山中朝雨寒。丁夫荷鋤去。稚子出門看。早稼登場圃。秋瓜蔓井闌。居然羨閒逸。趨府欲辭官。神到輞川

泛湖

此日秋風起。移舟向浦煙。客心隨地遠。人語隔花傳。古寺疎林外。孤亭落照前。十年塵土夢。回首一茫然。

山行

兩山開一逕。杳杳入雲煙。仄磴樵人下。危峰野衲禪。斷鴻愁返照。歸馬識斜川。井邑干戈後。凋零異昔年。

與平厓林豸史泛湖北抵華不注山夜從陸歸

黃昏過別業。却見舊山僧。客駕聊云息。鄉愁轉更增。水光

浮。夜。月。林。影。散。秋。燈。隔。苑。聞。寒。犬。高。軒。醉。懶。乘。

寄華山人

山人歸薜蘿。迢遞兩年過。道遠情無那。秋來興若何。隰霜收早稻。江日曝寒蓑。不見雲中鵠。空傳招隱歌。

寄陳石峰中丞

一。別。梁。園。雨。五。看。秋。草。疎。君。爲。烏。府。客。我。向。白。門。居。髮。短。風。塵。裏。心。長。老。病。餘。江。流。日。東。下。何。處。覓。雙。魚。

出郭將訪希準郡伯懼暮而返却寄

駕言江口出。却至水西還。遠道空回首。重門欲上關。斷雲低。白。雁。斜。日。近。青。山。欲。採。瑤。華。贈。仙。舟。不。可。攀。

用前韻寫懷

欲逃中夏暑。暫止上江船。夜臥對松月。曉行披水煙。佳期渺天末。良覲阻尊前。相問各華髮。遙悲青鏡年。

再次前韻贈載卿

賓堂瞰水滸。沙柳繫行船。裊裊綠蘿月。冥冥芳浦煙。鄉關百里外。世事一尊前。記取相逢地。清河旅食年。

旅寓清源有懷故鄉親友次張西峰韻

雨過雙松午。雲陰覆閣長。柳蜩迎日嘒。芹燕落泥香。碧水通官舍。青山接故鄉。懷人不可見。歸思轉蒼茫。

送都玄敬

驅馬別君處。秋陰當暮生。林柯無靜葉。江雁有歸聲。綠水聞門道。青山建業城。未能同理楫。延佇獨含情。

情在景中

贈別

早葉乍辭林。晚蟬初罷吟。入秋鄉國夢垂老。故人心道在寧須祿。官清尙有琴。城隅分手處。惆悵水雲深。

次韻畱別張西盤

滿酌豈辭醉。未行先憶君。山城稀見菊。關樹不開雲。地入河源渺。天連塞日曛。那堪北來雁。偏向別時聞。沉厚

送楊伯玉子南歸

孤舟風雨涼。江客下江鄉。歲月愁邊晚。煙霞夢裏長。釣溪明蘚石。書架拂芸香。霜落南垓冷。何人共采芳。

趙麗卿牙史座畱別

聽雨罷彈棋。蒼茫生遠思。遙應白門柳。飄蕩綠煙絲。旅跡

江花笑。歸心海。燕知倚酣方。戀別休。誦渭城詩。

幽寂

幽寂臥蓬戶。淒涼懷舊吟。鶯啼非故國。草色亂春心。落日黃雲暮。陰風碧海深。嗷嗷北來雁。二月有歸音。

元日次灤江中丞韻

伏枕驚看歲又新。臥聽街市響蹄輪。樽無白酒元因病。屋有青山不當貧。向晚雲霞偏弄色。得時梅柳故爭春。閉門可是甘肥遜。懶效東西南北人。第四語佳五六似刺當時奔競者玩結句可見

春日王監察天宇過訪畱酌

牙冠春訪薜蘿衣。晴日池臺燕子飛。心爲感時偏耿耿。話因談舊轉依依。閒過別院題青竹。却望南山指翠微。欲問

野夫棲隱處。九槐溪上一柴扉。

除夕述懷奉次類庵宗伯之韻

薄暮融風起凍霞。五更晴靄麗年華。空香裊篆爐存火。苑色回青柳放芽。辭谷早鶯同命侶。過江春雁各思家。物情人事端居外。頗念吾生亦有涯。五六得此興之旨

寄華文遠

江空月白。秋千里不見。山人跨鶴來。梅樹長懷隴頭信。菊花虛負掌中杯。清川碧石三吳道。老雁長雲九日臺。却對曉星傷落落。客邊懷抱幾時開。清骨稜稜麗而不膩

坐上次韻贈朱叔之

暫維沙舸憩蘭皋。爲訪金陵舊吏曹。南雁獨衝淮甸雪。北

風遙送海門。濤尊開子夜情俱洽。賦入陽春調轉高。起舞對君還照影。笑看吾鬢已刁騷。

答灤江王大理再用前韻

棘臺春靜日端居。藻思立情人太初。茂叔故應畱徑草。公儀安用拔園蔬。極知台鼎身須到。豈獨邊關事可書。江口暮潮天際月。試從消長看盈虛。

用韻贈五松月

憶昔荆南遠卜居。相逢曾及雁來初。山堂習隱秋看桂。郡閣畱懽夜剪蔬。天末往來千里道。篋中悲喜十年書。懷君只似江城月。長願清光照紫虛。華泉七律清婉秀逸兼青邱大復之長餘子莫能及也

寄嘉定章太守

六千里外關山道。十二年中風雨愁。書信不隨湖雁過。夢魂空遶蜀江流。纖纖凍柳含煙裊。冉冉春雲向日浮。多病有懷貪遠望。強扶藜杖一登樓。

七夕有懷

欲問南塘早暮潮。柳煙蘆月望迢迢。磯頭錦鯉真難掣。天外冥鴻可易招。菡萏出波還並蒂。女牛經歲亦成橋。懷人已恨蓬山遠。何處涼風引玉簫。

神韻妍雅
絕似玉溪

次韻殷石溪遷居

溪翁小隱城隅地。窈窕松窗對竹林。習靜不知紅日晚。避名真似碧山深。臨池野鶴陪孤立。破雪江花笑苦吟。從此